

文淵閣

影印

四庫全書

影印

文淵閣四庫全書

第四六九冊

北京出版集團公司
北京出版社

圖書在版編目 (CIP) 數據

影印文淵閣四庫全書 / (清) 紀昀等編纂. — 影印
本. — 北京: 北京出版社, 2012.4

ISBN 978-7-200-09184-7

I. ①影… II. ①紀… III. ①四庫全書 IV.
①Z121.5

中國版本圖書館CIP數據核字 (2012) 第 059042 號

策 劃: 方應權

責任編輯: 楊良志 蔡紫昀

責任印製: 宋 超

影印文淵閣四庫全書

(清) 紀昀等編纂

北京出版集團公司

北京出版社

北京北三環中路六號

郵政編碼: 100120

北京出版集團公司總發行

北京鴻博儒文化傳播有限公司

北京中獻拓方科技發展有限公司印刷

開本: 十六開 七八七毫米×一〇九二毫米

印張: 七五〇〇〇印張

二〇一二年四月第一版第一次印刷

定價: 陸拾萬圓整

ISBN 978-7-200-09184-7



9 787200 091847 >

本冊目次

太平寰宇記(一)

宋樂史撰……………一

欽定四庫全書

史部
太平寰宇記卷一至六

詳校官編修_臣曹振鏞
檢討_臣德生覆勘

總校官檢討_臣何思鈞
校對官中書_臣胡敏
謄錄監生_臣鄒有後

欽定四庫全書

史部十一

太平寰宇記

地理類二 總志之屬

提要

_臣等謹案太平寰宇記一百九十三卷宋樂史撰史字正子官太常博士直史館事蹟具宋史文苑傳宋太宗時始平閬越并北漢史因合輿圖所隸考尋始末條分件繫以成此書始於東京迄於四裔然是時幽媯營檀等

欽定四庫全書

太平寰宇記
提要

十六州晉所割以賂遼者實未入版圖史乃因賈耽十道志李吉甫元和郡縣志之舊概列其名蓋太宗置封樁庫冀復燕雲終身未嘗少置史亦預探其志載之於篇非無所因而漫錄也史進書序譏賈耽李吉甫為漏缺故其書采摭繁富惟取賅博於列朝人物一並登至於題詠古蹟若張祜金山詩之類亦皆並錄後來方志必列人物藝文者其體

皆本於史蓋地理之書記載至是書而始詳
體例亦至是而大變然史書雖卷帙浩博而
考據特為精核要不得以末流冗雜追咎濫
觴之源矣原本二百卷諸家藏本並多殘缺
惟浙江汪氏進本所闕自一百十三卷至一
百十九卷僅佚七卷今據以著錄文獻通考
作太平寰宇志此本標題實作太平寰宇記
諸書所引名亦兩岐今考史進書原序亦作

欽定四庫全書

太平寰宇記
提要

記字則通考為傳寫之誤不足據也乾隆四
十六年十二月恭校上

總纂官 臣 紀昀 臣 陸錫熊 臣 孫士毅

總校官 臣 陸費墀

太平寰宇記自序

臣聞四海同風九州共貫若非聖人握機蹈杼織成天
下何以逮此自唐之季率土纏兵裂水界山窺王盜帝
至于五代環五十年雖奄有中原而未家六合不有所
廢其何以興祖龍為炎漢之梯獨夫啟成周之路皇天
駿命開我宋朝太祖以握斗步天掃荆蠻而幹吳蜀陞
下以呵雷叱電蕩閩越而縛并汾自是五帝之封區三
皇之文軌重歸正朔不亦盛乎有以見皇王之道全開
欽定四庫全書
自序
關之功大其如圖籍之府未修郡縣之書何以頌萬國
之一君表千年之一聖眷言闕典責在史官雖則賈耽
有十道迷元和有郡國志不獨編修太簡抑且朝代不
同加以從梁至周郡國割據更名易地暮四朝三臣今
沿波討源窮本知未不量淺學撰成太平寰宇記二百
卷自河南周于海外至若賈耽之漏落吉甫之闕遺此
盡收焉萬里山河四方險阻攻守利害沿襲根源伸紙
未窮森然在目不下堂而知五土不出戶而觀萬邦圖

籍機權莫先於此臣職居館殿志在坤輿輒撰此書冀聞天聽誠慚淺畧仰冒宸嚴謹上

欽定四庫全書

太平寰宇記
自序

太平寰宇記自序

欽定四庫全書

太平寰宇記卷一

宋樂史撰

河南道一

開封府一

開封府今理開封後儀二縣禹貢為兗豫二州之域星分房宿在春秋時為鄭地戰國時為魏都史記云魏惠王自安邑徙都大梁即今西面後儀縣故城是也後秦

欽定四庫全書

太平寰宇記
卷一

始皇二十二年攻魏因引河水灌城而拔之即以為三川地漢祖起沛郡生說曰陳留為天下衝四通五達之郊無名山大川之阻即謂此地也後定天下為陳留郡之後儀縣至文帝封皇子武為梁王都大梁後以其地卑濕東徙睢陽即今宋州也晉武改為陳留國東魏孝靜帝廢國為梁州分為陳留開封二郡北齊廢開封郡併入陳留郡至後周改梁州為汴州以城臨汴水因以為名隋初州如故大業初州廢又為郡二年廢郡以其地

併入滎陽潁川濟陰東萊等四郡有通濟渠即煬帝所開以通江淮漕運經中而過唐武德四年平王世充置汴州總管府管汴洧杞陳四州領浚儀新里小黃開封封邱等五縣七年改為都督府廢開封小黃新里三縣入浚儀縣復廢杞州之雍邱陳留營州之中牟洧州之尉氏來屬龍朔二年以中牟隸鄭州延和元年復置開封縣天寶元年改汴州為陳留郡乾元四年復為汴州建中築羅城梁開平元年升為東京置開封府後唐同

欽定四庫全書

太平寰宇記

二

光元年復為汴州以宣武軍為額晉天福三年又升為

東京置開封府漢周至今並因之

元領縣六 今十六

開封 浚儀 封邱 陳留 尉氏 雍邱 襄邑

宋州 考城 曹州割到 武陽 鄭州割到 中牟 鄭州割到 太康

陳州 長垣 滑州割到 酸棗 滑州割到 扶溝 許州割到 鄆陵

許州 東明 新置

府境

東西三百里 南北三百五十里

四至八到

西至西京四百二十里 西至長安一千二百五十

里 東至宋州三百里 西至鄭州一百四十里

南至蔡州五百里 北至滑州二百二十里 南至

宋州三百一十八里 又東南至陳州三百一十里

西南至許州二百十五里 東北至曹州二百二

十里 西北至孟州三百五十里

欽定四庫全書

太平寰宇記

三

戶

唐開元領縣六戶八萬二千一百皇朝管縣一十六

戶主九萬一千二百三十二客八萬八千三百九十

九

風俗

漢書河南之氣厥性安舒今汴地涉鄭衛之境梁魏之墟人多髦俊好儒術雜以遊豫有魏公子之遺風難動以非易感以義

姓氏

陳留郡五姓 防 謝 何 虞 蔡

人物

陳平楊武戶牖鄉人 鄴其食 申屠蟠 蔡邕陳

留人 邊韶 百里嵩 潘最 毛玠陳留平丘人

典常 元瑀尉氏人子籍 江偉 江式 唐劉

仁軌尉氏人與子姓三人並授上柱國州黨蔡之號

所居為樂城鄉三柱里

欽定四庫全書

太平寰宇記

土產

絹 綿 谷子 麻黃 酸棗

開封縣舊二十鄉今八鄉八坊本漢縣屬河南郡今縣

河五十里開封古城是漢理所後魏天平元年於此置

開封郡高齊天保七年郡與縣俱廢隋開皇六年復置

屬鄭州唐武德四年自鄭州來屬貞觀元年併入後儀

延和元年又折後儀於州城內別置今縣管東界 達

澤在縣東北十四里今名達池史記秦孝公二十年使

公子少管率師會諸侯達澤又謂衛國之岸地唐天寶

六年改為福源池 夷門史記大梁有十二門有曰夷

門隱士侯嬴年七十家貧為夷門門吏魏公子無忌厚

遺之不受 吹臺在縣南五里陳留風俗傳縣有蒼頡

師曠城其城有列仙吹臺梁孝王亦增築焉朱梁開平

二年改繁臺為講武臺此即吹臺也其後有繁氏居其

側里人乃以姓呼之 沙海在縣西北十二里戰國策

云齊欲發卒取周九鼎顏率說曰夫梁之君臣欲得九

欽定四庫全書

太平寰宇記

五

鼎謀於沙海之上為日久矣即為此也至隋文疏鑿舊

迹引汴水注之習舟師以伐陳陳平之後立碑其側以

紀功德焉今無水 蓼堤在縣東北六里高六尺廣四

丈梁孝王都大梁以其地卑濕徙睢陽乃築此隄至宋

州三百里 蔡水在縣南本梁溝始皇二十二年王賁

引水攻大梁是此 通濟渠在縣南二里隋大業元年

以汴水迂曲回復稍難自大梁城西鑿渠引汴水入號

通濟渠 開封故城在縣西十五里鄭莊公所築陳留

風俗傳曰阮簡為開封令有刦賊外白甚急 高陽故城 甘城即秦大史甘公所居之地因星文說張耳令背項羽依高祖即於此城 信陵亭在城內臨河當相國寺前即魏公子無忌勝槩之地 琵琶溝在縣南十一里西從中牟縣界流入通濟渠隋煬帝欲幸江都自大梁城西南鑿渠引汴水入即茝宕渠也舊圖經云形似琵琶故名

倉垣縣在縣東北二十里水經云濟水東經倉垣城輿地志曰倉垣城南臨汴水西北有蒼頡墳城有列仙臺

棘城在縣西南三十里左傳云晉荀吳涉自棘津

新里縣故城在縣東三十里隋高帝開皇十六年分浚儀縣置因新里為名煬帝大業二年廢唐武德四年復置貞觀元年又廢 蒼頡墳在縣東北二十里輿地志云蒼頡西北有蒼頡塚 樊於期墓在縣南一十三里史記云樊於期逃秦罪入燕燕荆軻謂曰須君首可以謀秦王於是自殺函封送秦魏人墓於此 張儀墓在

縣東北七里史記云儀魏人相秦一十年卒葬於此俗以墳形似硯因名硯子臺以張耳墓南硯臺此謂北硯臺 張耳墓在縣東七里漢書耳大梁人高祖布衣時嘗從耳遊後事趙有功受封卒葬於此 蔡伯喈墓在縣東北四十五里後漢書蔡邕字伯喈陳留圉人漢靈帝時坐收廷尉死獄中葬於此 荆軻墓在縣東四十里史記曰軻衛人也遊燕為丹入秦刺秦王不中而死舊圖經云招魂墓於此

欽定四庫全書

太平寰宇記

七

浚儀縣舊二十五鄉今十二鄉八坊漢武帝元年廢新里城而立浚儀屬陳留郡輿地志云夷門之下新里之東浚水之北象而儀之以為邑名後魏以縣隸梁州後周改梁州為汴縣亦隸焉隋廢汴改屬鄭州唐初置汴州縣復歸焉今居郭內開封故城在即今為理之所也 寒泉陂在縣西六十里詩云爰有寒泉在浚之下其水冬夏常冷因曰寒泉 醕池在縣西北七里古大梁城梁孝王作 磚礪城在縣西北三十里史記張良報

韓讐伏處於博浪候秦始皇 古浚儀城二一在縣東
三十里一在縣北四里 赤城在縣西南二十五里水
經云菰蕩渠東南逕赤城至浚儀 信陵君墓在縣南一
十二里史記魏公子無忌昭王少子安釐王弟為信陵
君 侯羸墓在縣南一十二里史記魏公子無忌謀殺
趙詢自刎而死遂墓於此 段干木死西土魏王遷都
之日子孫改墓於此 陸雲祠在縣北二里晉書陸雲
嘗為浚儀令民為立祠 青邱亦曰元池女城簡狄浴
於晉邱之水有元鳥遺卵吞之生契即此水也 鴻池
即衛獻公射鴻於此 望京樓城西門樓本無名唐文
宗大和二年節度使令狐陶重修因登臨賦詩曰夷門
一鎮五經秋未得朝天未免愁因上此樓望京國便名
樓作望京樓

封邱縣北六十里二十鄉今七鄉古封國之地左氏傳
謂賜封父之繁弱是也魯國都紀云衛地之延鄉漢高
祖與項籍戰敗於翟母免難之處後以延鄉為封邱縣

翟母即此地也隸陳留郡後魏道武帝併入酸棗宣武
帝復置隋開皇三年隸汴 黑山在縣北三里魏志初
平四年春太祖軍甄城荊州收劉表斷袁術糧道術引
軍入陳留屯封邱黑山徐賦佐之 黃池在縣西南七
里東南三里按春秋哀公十二年會晉侯吳子於黃池
吳晉爭長杜預注云陳留封邱縣南有黃亭近濟水
雲響城在縣南一十里按史記云吳晉率諸侯會于黃
池莫不雲集響應共築此城因為名 期城在縣西

南七里按城冢史記云期城者夏禹理水時所築今呼
為簸箕城 廢守節縣在縣西北三里唐武德三年李
勣于酸棗縣置梁州乃分胙城酸棗二縣以屬焉於時
東州未平人思効節縣新創立故以守節為名至四年
廢 封邱臺在縣東五里按世本東郡齊國侯伯儵子
卒墓此遂於城內作地道 向子墓亦名墓子臺 桐
牢亭在縣二里按春秋魯哀公會晉侯同盟于縣牢杜
預注云鄭地陳留封邱縣北有桐牢亭襄公十八年傳

云楚侵鄭東北至於蟲牢而反續漢記云封印有桐牢亭韋昭曰古蟲牢地也今俗謂之桐渦 朱亥墓在縣西三十里按史記秦攻趙趙求救於魏安釐王遣將晉鄙將兵救趙懼秦不進魏公子無忌使朱亥賣鐵鎚殺晉鄙而統其軍以救趙卒葬於此 翟母墓在縣西南七里按陳留風俗傳云漢高祖與楚項羽戰敗于延鄉有翟母者免其難也 百里嵩墓在縣東七里後漢書嵩字景山陳留封邱人為徐州刺史時旱嵩乃傳車巡

欽定四庫全書

太平寰宇記

十

部所到屬縣膏雨隨車卒墓於此 程徵君墓在縣南四里魏書程仲字孔禮陳留封邱人有志行明帝青龍三年徵不就景初二年正始五年徵又不就晉武帝大始二年卒封元鄉亭侯

陳留縣東三十五里舊二十五鄉今七鄉本古有莘城國語謂之莘墟史記云鄭桓公反以周衰徙都于留即此地後為陳所并故曰陳留秦始皇二十六年置陳留縣漢為陳留郡縣隸焉西晉末郡縣並廢後魏復置隋

廢唐武德四年置縣隸杞州貞觀元年廢移隸汴州其後因之魏書謂四戰之地是也乃漢高祖兵敗母死之地 阿谷水在縣北五十八里家語曰孔子南遊于楚至阿谷之陸使子貢奉觴從女子乞飲即此也 小黃城漢縣名屬陳留故城今在縣東北三十三里亦曰小黃園 昭靈夫人陵廟在縣北三十七里風俗傳曰沛公起兵野戰于黃鄉天下平定乃命使以梓宮招魂幽野有丹蛇在水自灑灌入梓宮其浴處仍有遺髮今廟

欽定四庫全書

太平寰宇記

十

號昭靈焉 睢溝在縣東南五里輿地誌云汴水自滎陽受睢水東至陳留彭城南入泗水經縣界入雍邱界自後開通濟渠此渠廢今無水 漢武帝宮在縣羅城內風俗傳孝武帝元狩元年置行宮今廢為舍 逍遙宮南縣南六里餘隋大業六年置今廢 陳陵在縣北二十里按城冢記云大梁城東三十里汴水北五里有黃柏山陳元方祖父墳二十區有碑存 故莘城在縣東北三十五里古莘國國語湯伐桀桀與韋顧之君等

拒湯于莘之墟遂戰于鳴條之野 老邱城在縣北四十五里按春秋傳云定公十五年鄭罕達敗宋師於老邱杜預注云老邱宋地 平邱城在縣北九十里陳留風俗傳云邱城衛靈公邑春秋昭公十三年晉會諸侯于平邱杜預注云平邱在陳留長垣縣西南 斗城在縣南三十五里按左傳襄公三十年子產墓伯有於斗城杜預註斗城鄭地名 裴氏城在縣南六十里風俗傳云陳留有裴氏鄉城家記云秦時故縣也 澹臺子

羽墓在縣南六十里風俗傳子羽塚在陳留縣 張良城在縣東六十里按城家記云張城漢高祖為張良築亦名張良城良世孫名德為兗州刺史襲封陳留侯食小黃萬戶至煬帝時塋張城西南三百步今呼為張光墓也

尉氏縣南一百里原十鄉本春秋鄭大夫尉氏之邑即獄官也魏徙都于梁遂屬魏秦始皇二年置尉氏縣漢以縣隸梁國武帝分梁國置陳留郡因屬焉東魏隸開

封郡隋開皇三年罷郡隸汴州十六年屬汴州州廢入許唐武德四年復置汴州貞觀八年州廢復歸汴郡南阮所居之所 三亭岡在縣西南三十里史記秦昭王使謁者王稽於魏夜與范雎言先生待我於三亭之南郡即此岡之南也 長明溝在縣西四十五里源出許州長葛縣界與太溝合流司馬彪郡國志云范陵縣有白雁陂引瀆南流謂之長明溝 筆溝在縣東北四十里與康溝相合端直如筆 蓬池在縣北五里按述征

記曰大梁西南九十里尉氏有蓬池阮籍詩云徘徊蓬池上回首望大梁即此是也 向城在縣西南五十里左傳襄公十一年諸侯伐鄭會於北林師於向杜預註云向地在潁川長社縣東北 菟氏城在縣西北四十里按左氏傳昭公五年鄭伯勞楚屈生于菟氏杜預注云菟氏鄭地 雞鳴城在縣西南三十里按鄭元註水經云魏惠王元年韓懿侯會伐魏于品澤陂比對雞鳴城 故鍾城在縣西北三十五里按續述征記云鍾城

魏太傅鍾繇故里城南三里有鍾繇碑 蔣城在縣西

五十里其城以西半屬新鄭縣界左傳僖二十四年凡

符邢茅昨祭周公之肩社預注云蔣在弋陽縣 廢苑

陵城在縣南四十八里按屬征記成皋東南一百三十

里有苑陵城鄭國之所都其城今見在鄭州新鄭縣唐

武德四年綏撫使任環移苑陵縣屬洧州貞觀元年廢

鄆陵三縣別置大業二年廢 宿蒼舒墓在縣東四

十五里按孝子傳云宿蒼舒陳留尉氏人小有至性七

欽定四庫全書

太平寰宇記

十四

歲遭饑荒賣身為奴以供父母後起家為上黨太守

杜元凱墓在縣西南五十里晉封當陽縣侯累遷司徒

阮籍墓在縣東四十五里籍陳留尉氏人即竹林七

賢有碑在 阮籍臺在縣東南二十步籍每追名賢攜

酌長嘯登此也

雍邱縣東八十七里舊二十八鄉今八鄉古雍國黃帝

之後姑姓殷湯封夏後于杞周武王克殷封夏後東樓

公子杞是為杞國即此地也漢為雍邱縣隸陳留郡魏

為雍邱國封鄆城王植為雍邱王又國廢為縣歸陳留

不改後魏於縣置陽夏郡隋開皇三年郡廢為縣至十

七年置杞州大業三年州罷唐初復置貞觀元年州廢

縣皆歸汴晉避諱改為杞漢初復故 圉城在縣南五

十里左傳昭五年晉韓起如楚送女過鄭鄭伯勞諸圉

風俗傳云舊陳地苦楚之難修干戈于境以虞其患故

曰圉與地志漢高祖使樊噲下之為縣屬宋州今故城

存 外黃城左氏謂惠公敗宋師於黃杜注黃宋邑漢

欽定四庫全書

太平寰宇記

十五

縣屬陳留以魏郡有內黃此故加外焉今界內有山號

黃柏山故城在今縣東六十里漢書外黃縣即繁陽城

六國魏將地趙廉頗攻取之即此也 雍邱故城今縣

城是也春秋時杞國城也杞為宋滅城北臨汴河晉永

嘉末鎮西將軍祖逖為豫州刺史理於此逖累破石勒

軍黃河以南皆為晉土人皆感悅逖卒百姓立祠焉

雁亭在縣北四十里左氏傳衛侯伐鄭至鳴雁杜注云

在雍邱鳴雁亭也 夏后祠祠中有井能雲雨祈禱甚

應也 空桑城在縣西二十里按帝王世紀云伊尹生於空桑此是伊尹生處 祺城在縣西北一十八里按陳留王襲封雍邱王表云禹祠原在此城漢光武迎其神移雍邱城內植城於雍邱作宮請遷其神於舊館其讚曰懸仰聖業功濟唐虞微君之勲吾其為魚爾雅曰祺者吉祥名 婦姑城在縣東十里按戴延之西征記云梁東百里有婦人寡居養姑孝謹鄉人義之為築此城故名曰婦姑城後人因訛為婦固城 肥陽城在

欽定四庫全書

太平寰宇記

十六

縣東北二十里按城冢記云禹治洪水時在肥澤之陽所築 高陽城在縣西二十九里顓頊高陽氏佐少昊有功受封此邑 范睢墓在縣北六十八里史記睢先事魏中大夫須賈後入秦為相號曰應侯卒塋於此 酈食其墓在縣西南二十八里漢書食其陳留高陽人好讀書家貧為里監門賢豪謂之狂生後為齊所殺乃塋於此陳留王集云植獵於高陽之下過食其墳以斗水束藻薦於座讚曰野無卮酒惟茲行潦食無嘉饈宴

用蘋藻 酈商墓在縣西南二十八里漢酈商食其之弟也陳勝起兵商乃聚少年得數千人屬高祖從征伐有功封曲周侯塋於此 白虎墓王業字子香雍邱人為荊州刺史有惡化卒於枝江有白虎夾柩送歸因此號之今子孫號為白虎王氏

欽定四庫全書

太平寰宇記

卷一

太平寰宇記卷一

欽定四庫全書

太平寰宇記卷二

宋樂史撰

河南道二

開封府二

襄邑縣東一百四十五里依舊七鄉春秋時宋襄庠地也宋襄公塋焉故曰襄陵今墓在縣西北隅秦始皇以來斥縣卑濕遂徙縣於襄陵改為襄邑縣漢以縣隸陳

欽定四庫全書

太平寰宇記

卷二

留郡宋移屬譙郡北齊縣廢入雍邱隋置杞州于杞縣襄邑復焉大業三年州廢縣入梁郡唐初復置杞州貞觀元年州廢縣入宋州自朱梁與晉改為開封服觀漢地理誌襄邑有服觀魏都賦云錦繡襄邑睢水在縣北三十里西自雍邱界入寧陵水經注云睢水出陳留縣西蒗蕩渠古汴渠在縣北四十五里西從雍邱入考城界史記秦始皇二十二年伐魏引河灌大梁即此地也又宋書高祖開此河以征姚泓古斥城在縣

欽定四庫全書

太平寰宇記

卷二

西三十里地理志云秦以承斥之地卑濕故徙縣于襄陵其城遂廢昔仲尼遊此城斥人誤圍夫子夫子由城東南空角而出其跡猶存巢亭在縣南二十里左傳哀公十二年衛大叔疾奔宋疾臣向魋及桓氏得罪衛莊公復之使處巢蛟龍池在縣北七十五里左傳鄭大水龍鬪於時門之外洧淵國人請滌焉子產不許曰我鬪龍不我覲也龍鬪我獨何覲焉吾無求於龍龍亦無求於我即此也鼠恠搜神記中山王周南正始中為襄邑長有鼠從穴出廳事上語周南曰爾以某月日死周南不應鼠還穴至期日更冠幘絳衣語周南曰日中死南不應鼠入穴斯須復出語如初出入數轉日過中鼠曰爾不應我復何求道訖顛厥而死即失衣冠視之乃常鼠也宋襄公墓在縣城東北隅考城縣東一百五十里舊十四鄉今七鄉古戴國城春秋隱公十年鄭伐取之後改名曰谷秦滅六國為滎縣漢隸梁國後漢章帝東巡改為考城仍隸陳留郡後魏

為城安縣人於縣置北梁郡隸南充州北齊郡廢縣歸
齊陰郡隋復為考城移屬宋州唐初於縣置梁州武德
五年州廢縣入曹州梁改為戴邑縣後唐復舊自梁至
晉漢屬開封府 蔡邱在縣東一里春秋齊桓公會諸
侯於葵邱杜注陳留外黃縣東有葵邱 黃溝在縣西
三十六里國語云吳子會諸侯于黃池今陳留有外黃
縣古郡即黃溝是也又漢地理志云考城有黃溝 北
亳城在縣東北五十三里自契至湯九遷湯始居亳與

欽定四庫全書

太平寰宇記
卷二

三

葛伯為鄰按葛國在宋州寧陵縣界去亳百里都城記
湯居亳今濟陰東南亳城是也十三州志梁國有二亳
南亳在谷北亳在蒙湯會諸侯于景亳即蒙之北亳也
箕城在縣北四十六里按城冢記禹治水時所築
龍門臺在縣西南一十五里按戴延之西征記云龍
門水名也臺南渠岸有門與臺下水相連高齊時于此
置倉至後周廢 黃霸墓在縣東北一十里漢循良傳
黃霸字次公淮陽人卒於此有碑存

陽武縣西北七十五里舊四鄉今八鄉春秋時隸城楚
伐陳諸侯會于城隸漢為陽武縣屬河南郡按晉地道
記陽武滎陽有博浪沙張良為韓刺秦始皇處即此縣
地按郡國縣記云陽武縣所理晉廢後魏孝昌中復置
高齊又省隋開皇六年移理于黃池陽武即今原武縣
是也唐武德四年于漢原武故城復置陽武縣即今理
也朱梁與晉隸開封府 黃河在縣北二十五里 荥
宥渠即汴河之別名一名通濟渠陽武故城在縣東南

欽定四庫全書

太平寰宇記
卷二

四

二十八里高齊文宣天保七年移居汴水南一里今無
遺址隋開皇五年復理此城唐武德四年又移理漢原
武故城即今城是也 博浪沙亭在縣東南五里即張
良為韓報仇擊始皇之所南隸城二城並在縣北十里
左傳楚伐陳諸侯會于城隸以救之北城也 陳平墓
在縣東三十里戶牖鄉相陳村兼有廟存 里陽山在
縣南七里

中牟縣西五十里依舊五鄉春秋時鄭邑又屬趙史記